

下王者亦善下之而已有立德者乃所以天下之道也莊周  
以為以此處下則立聖素王之道而舜之在下則曰立德升  
聞則立德者固聖人所以處下之道也以處下之道而居人  
上乃所以下之也聖人之有天下也以言其位則固欲上人  
也然以孤寡不穀為稱而受國之垢與不祥則以其言下之  
也以言其序則固欲先人也然迫而後動感而後應不得已  
而後起則以其身後之也夫惟以其言下之則處上而民不  
重不重則以戴之為輕矣以其身後之則處前而人不害不  
害則以從之為利矣不重不害此天下所以樂推而不厭也  
夫以其言下之以其身後之則不爭者也樂推而不厭則天  
下莫能與之爭者也非體立德者其能若是乎故曰夫惟不  
爭故天下莫能與之爭

不爭之量其道最大故以天下皆謂我道大次之

### 三寶章第六十七

天下皆謂我道大道大性空萬物惟尊似不肖如愚夫惟大○故似不

肖默默○似若肖久矣其細也夫不可分別○纔我有三寶道

德保而持之離我道不一曰慈專氣致柔能如二曰儉少私寡慾三

曰不敢為天下先忘其所以忘夫慈故能勇其力大○儉故能

廣其量深○不敢為天下先故能成器長心廣體胖○今舍慈

且勇逐物○舍儉且廣貪嗔愛慾○舍後且先急欲求成○特強梁死矣

### 道藏輯要

太上道德寶章翼

巽

心集四

不見乎道  
○死之徒

夫慈仁也

以戰則勝

身心不動以守則固

靜以待之○夫  
仁則能守

將救之

其應亦然  
惟德是輔

以慈衛之

乃與道合○天地大德  
日生聖人守位曰仁

復圭子曰此章是太上自描寫其道德非泛泛言也愚於千

百世之下猶能想象於千百世之上不啻謁太上於羹牆間

也似如也肖像也不肖愚也夫天大地大天下皆謂我道大

似天地不知我其如愚也哉夫惟道大故我似不肖道也若

以我為肖道我其細也夫非大也夫道尊而德貴大無不有

我特有道之三寶而已寶而持之非富貴也非金玉也亦非

玄之又玄也一日慈體天地生生之心保全性命如履冰也

二曰儉法天地收斂之意愛精神如捧盈也三曰不敢為天

道藏輯要

太上道德  
寶章翼

畢

心集四  
六文三

下先效天地謙虛之德守遜讓而未遑也夫惟真慈者屈於

理而不屈於欲無欲故剛能勇也惟真儉者齋於妄而不齋

於誠無妄故裕能廣也惟真謙者怯於悻悻自好而不怯於

以道器自任任重故成其為器長也若如世人舍慈而勇可

謂勇乎舍儉而廣可謂廣乎舍後而先可謂先乎祇死耳夫

慈以戰則勝所謂戰罷方能見聖人也以守則固所謂大小

無傷兩國全也倘毫髮差殊戰不勝而守不固天猶見憐而

多方以護衛之鑒其慈也悟真篇云大藥修之有易難也知

由我亦由天若非積行修陰德動有羣魔作障緣○董思靖

曰此假用兵以明道貴在於守慈也或云若以人身言之則

邪念多於敵國利欲勝於鋒鏑蓋亦寡欲以至於無欲以全其所寶乎

以慈衛之故次之以不武不怒以明不爭之德

配天章第六十八

善為士者不武

慈和

善戰者不怒

寬泰

善勝敵者不爭

安穩 謙讓

善用人者為之下

小心翼翼 順帝之則

是謂不爭之德

順帝之則 至謙

是謂用

人之力

天理自見 至柔

是謂配天

此心為大 至慈

古之極

大道乃明 合道

蘇子由曰士當以武為本而行之怯若以武行武死矣聖人不得已而後戰若出於怒是我故殺人也以我故殺人天必殃之以吾不爭故能勝彼之爭若我出於爭則未必勝矣

道藏輯要

太上道德 寶章翼

哭

心集四 卷之三

人皆有相上之心故莫能相為用誠能下之則天下之人皆吾用也○釋德清曰此章言聖人善於下人以明不爭之德釋上三寶之意也一章主意只在善用人者為之下一句乃假兵家戰勝之事以形容其慈乃不爭之至耳○復圭子曰士戰士也戰士必武必怒必爭兵家之常也善為士者獨不然不武非全無武也所謂兵莫慘於志而鎡鋸為下也不怒非全無怒也所謂迫而後動不得已而後起也不爭非全無爭也所謂將欲取之必姑與之也皆非正意主意在善用人者為之下一句無論行兵治國必出此道分明欲學道者亦當著心為之下所謂識淨沉明主客是也若乾上坤下正位